

ԱՄԱՐԱՍԻ ՀՈՎՏԻ ՀՈՒՇԱՐՁԱՆՆԵՐԸ

Չ. Մ. ԲԵԳԼԱՐՅԱՆ

Մատենագրական տվյալների համաձայն՝ Ամարասի վանքը հիմնադրել է Գրիգոր Լուսավորիչը, իսկ բնակավայրը գոյություն է ունեցել նրանից առաջ¹։ Ամարասի մշակութային մեծ դեր է խաղացել հայ ժողովրդի արցախյան հատվածի կյանքում, Հայտնի է, որ Մ. Մաշտոցը գրերի գյուտից հետո դպրոցներ է հիմնել նաև Արցախում²։ Ամարասի վանքը իր բազմադարյան պատմության ընթացքում քանիցս ենթարկվել է դրսեկ ավարառուների ավերածություններին։ Վերակառուցումների ու վերանորոգումների ընթացքում նրա վիմական արձանագրությունները համարյա լրիվ կորել են և, հավանաբար, միայն պեղումները կարող են նոր տեղեկություններ ավելացնել եղածին։ Մշակութային նշանավոր կենտրոն Ամարասը շրջակայքի բարեբեր հովտի միակ բնակավայրը չէր. նրան շրջակա բնակավայրերի հարուստ մշակույթի, կենցաղի ու սովորույթների մասին շատ բան են ասում այն բազմաթիվ առարկաները, որոնք հայտնաբերվում են դաշտային աշխատանքների ժամանակ։ Մեր խոսքը հիմնականում այդ առարկաների մասին է։

1965 թ. աշնանը Մարտունու շրջանի Ճարտար գյուղի Ալիբալի տեղամասում տնկահերկ կատարելու ժամանակ բացվել է բավական ընդարձակ (շուրջ 160 հեկտար) մի հին բնակավայր, որը համարվել է Ամարաս գյուղաքաղաքի մնացորդը³։ Սակայն, ինչպես ցույց տվեցին հեռագադիտումները, այս հնավայրը Ամարասի հարևանությամբ գոյություն ունեցող միջնադարյան խոշոր բնակավայր է եղել։ Այդ տեղամասից հայտնաբերված ավելի քան 250 ցուցանմուշ պահվում է Ղարաբաղի պաամաներկրագիտական թանգարանում։ Նշված բնակավայրում հայտնաբերվել են մեծ քանակությամբ ամբողջական և ջարդված խեցեղեն անոթներ (նկ. 1), թրծած աղյուսով շարված ամբողջական պատեր, երկաթյա գեղարդներ, դանակներ, կավե ձձումներ, քամիչներ, ձիթաճրագներ, սափորներ, պնակներ, օձի գլխով ապակյա ապարանջան և այլ նյութեր։ Բազմաթիվ կավանոթների նստուկների վրա կան դրանք պատրաստող վարպետների դրոշմները։ Ալիբալիում ավերված վիճակում գտնվել են խեցեղեն ամանների թրծման հնոց, ինչպես նաև մեծ քանակությամբ ջնարակած խեցեմուշներ (նկ. 2), հսկա կարասներ, քարե սանդեր, աղորիքներ և այլ նյութեր։ Ինչ վերաբերում է Ամարաս գյուղաքաղաքի ավերակներին, ապա դրանք հայտնի են մեր պատմաբան-ուսումնասիրողներին։ Մ. Բարխուդարյանը Ամարաս գյուղաքաղաքի ավերակները տեղագրում է համանուն վանքի հարավային կողմում⁴։ Ըստ երևույթին, նա նկատի է առել


1 Փ ա վ ա տ ո ս Բ ու զ ա ն դ, Պատմություն հայոց, Երևան, 1947, էջ 94։ «Մովսիս Խորենացու Պատմություն հայոց», Տփղիս, 1913, էջ 259—260։

2 Հմմտ. Լեո, Երկերի ժողովածու, հ. 2, Երևան, 1967, էջ 152։

3 «Կոմունիստ», 24. I. 1967։

4 Մ. Բարխուդարյան, Արցախ, Բազու, 1895, էջ 215։

Այդ մասում գտնվող գերեզմանատուներ, որտեղ մինչև հիմա էլ նշմարվում են հին գերեզմանաքարեր: Ամարաս գյուղաքաղաքը ավելի ընդարձակ է եղել: Այդ հնավայրը, որի հետքերը այսօր էլ կան, ընկած է վանքի մոտով հոսող գետի երկու ափերին: Հնավայրի աջ ու ձախ կողմերում տարածվում են գերեզմանատուներ, որոնցից մեկը գտնվում է 'Եմալ կոչվող տեղամասում, իսկ մյուսը՝ Կզնապատ բլրի վրա:



Նկ. 1. Կավանոթների բեկորներ:



Նկ. 2. Ջնարակած ափսեների բեկորներ:

Ամարաս հնավայրից պատահականորեն գտնվել են շատ իրեր: Այսպես՝ Լուսավորչի սարի լանջից գտնվել են պղնձե ամաններ, որոնցից մեկը ունի հետևյալ արձանագրությունը՝ «Անանեսայ ռոդի Մանայսեի», մյուսը՝ «Մատուրի ռոդի Եղիբայ»: Հայտնի է, որ պղնձագործությունը պատմական Արցախում

զարդացած էր տակավին մ. թ. ա. երրորդ հազարամյակում: Առաջածորի. Խոջավի, Դոլանլարի, Ամառասի, Մեհմալայի. Կելծանի բրոնզեդարյան դամբարանները տվել են պղնձե և բրոնզե ճարտարարվեստ շինվածքներ, որոնք ցույց են տալիս, որ Ղարաբաղում տարածված է եղել մետաղաձուլության արհեստը:

Ամառասում գտնված վիմագիր արձանագրություններից ամենահինը թվագրվում է՝ ՅՉԴ (925): Այստեղ գտնված Խաչքարի մի բեկորի վրա պահպանվել է ութ կիսատ տողերով արձանագրություն (նկ. 3): Բարեբախտաբար ընթերցելի են արձանագրության թվակիր տառերը: Ստորև տալիս ենք այդ արձանագրության ընթերցվող մասի ընդօրինակությունը, հետագա քննությունը թողնելով վիմագրագետներին:



Նկ. 3. Խաչքարի մի բեկոր եղծված արձանագրությամբ:

... ԶԻ	... ՄԱՅՐ(Ի)	ՅՉԴ
... ՈՐԱ	[Ո]ՐԿՈՅ ԻՄ	
... ԻՇԵՍ	... ՈՅ ՃՈՐ	
... ԵՂԻՍ ԵՔ	... ՄԱՄԵՌ ԵՒ ԱԻՏԱՐԱ...	

Ամարասում գտնված երկրորդ խաչքարը միջնադարյան քարգործության լավագույն օրինակ է, քանդակված 1091 թ. վարպետ Ղազարի ձեռքով (նկ.4)։ Արժեքավոր է խաչքարի հետևյալ արձանագրությունը.

Ի ԹՎԱԿԱՆԻՍ ՀԱՅՅՈՅ Ե Խ ԷՐ

ԵՍ ԱՐՐԷՀԱՄ ԵՐԷՑ ԿԱՆԳ

ԵՅԻ, ԶԻՍ ՅԱՂԱԻԹՍ ՅԻՇԵՍՋԻՔ,

ԵՍ ՂԱԶԱՐ ԿԱԶՄԵՅԻ, ԶԻՍ ՅՇԵՅԷՔ Ի Ք(ՐԻՍՏՈՍ) Ի Յ(ԻՍՈՒՍ) Ի ՏՐ

Մինչև այժմ ամարասցի վարպետ Ղազարի անունը անհայտ էր։ Սույն արձանագրությամբ միջնադարյան քարգործ վարպետների ցուցակը հարստացավ ևս մեկ անունով։ Խաչքարն ունի նաև գեղեցիկ զարդաքանդակ պատվանդան։



Նկ. 4. Ղազար քարգործի խաչքարը։

Շատ են Ամարասի հովտի հնությունները։ Հետագայում ավերված գյուղերից մի քանիսը ուղղակի դուրս են մնացել ուսումնասիրողների տեսադաշտից։ Մեր կազմած տեղանունների ցուցակում այստեղ կան միջնադարյան 4 նշանավոր գյուղեր։ Դրանցից մեկը՝ Դաբախջը, որը հիշատակվում է նաև Մ. Կաղանկատվացու մոտ⁵, գտնվում է այժմյան Քարահունջ գյուղից 2 կմ դեպի արևմուտք, Ռսկահան սարի լանջին և կոչվում է Քյոհնա Քարահունջեն յալ։ Գյուղի ավերակների մի մասը այժմ հերկվում է, իսկ դաշտի վերևի մասում

⁵ Մ ո վ ս ե ն Կ ա ղ ա ն կ ա տ վ ա ջ ի, Աղվանից աշխարհի պատմություն, Երևան, 1969, էջ 49, 51, 65։

պարզ երևում են ավերակների հետքերը: Մի փոքրիկ հեղեղատ գյուղը բաժանում է դերեզմանատնից, որի խաչքարերը քանդակված են անմշակ քարերի վրա: Հին Քարահունջի մոտ գտնվող սարի գլխին գոյություն ունի նշանավոր սրբավայր:

Հին Քարահունջը չպետք է շփոթել մեկ ուրիշ գյուղի՝ Քարավեճի հետ, որի հնավայրը գտնվում է հին Քարահունջից դեպի արևելք, այժմյան Քերթ գյուղի մոտ, Ռսկահան սարի լանջին: 1971 թ. ճանապարհաշինության ժամանակ բուլղոզերը դեմ է առել քար ու կրով կառուցված գետնաթաղ շենքի, այնուհետև ղյուղացիները ամբողջովին ավերել են այն և քարերը տարել Քերթ: Տարված մեծ քարերից մի քանիսը պահվում են գյուղի գերեզմանատան մոտ:

Այսպիսով, Դարահունջի և Քարավեճի հնավայրերը տեղադրվում են Ամարասից 3—4 կմ հեռավորության վրա: Մյուս գյուղը, որ նույնպես չի նշված Մ. Բարխուդարյանի «Արցախ» գրքում, Բրիտիսն է (գտնվում է Կոլխոզաշեն և Մամնա գյուղերի միջև): Այս անունով հին գյուղը այժմ կոչվում է Պերետես: Պահպանվում է գյուղի ընդարձակ գերեզմանատունը՝ փլված մատուռով, իսկ գյուղատեղը ամբողջովին հերկվում է, բացի մի քանի արհեստական թմբերից, որոնք փլված տներ են, ծածկված հող ու մացառով: Այս գյուղի անունը հիշատակում է Առաքել Դավրիժեցին, երբ նշում է Շահ-Աբասի մոտ գնացած մարդկանց անունները. «Օղլան Քեշիշն և իւր եղբայր Ղալաբէկին ի Հաթերք գեղէ, Ջալալ բէկն իւր եղբոր որդւոքն ի խաչենայ, Մէլիք Սուջումն ի Դեղակաւ, Մէլիք Փաշիկն ի Քօշիղ գեղէ, Մէլիք Բաբէն ի Բրիտիս գեղէ»⁶: Նշված տեղանունները, բացի Բրիտիսից, հայտնի են պատմությանը:

Պատմագիտության մեջ վաղուց արդեն ստեղծվել է այն կարծիքը, թե Քեշիշը այժմյան Մովսեսի է: Այս գյուղի հետքերը տեսանելի են Մովսեսի և խերխան գյուղերից ներքև ընկած դաշտում: Ըստ երևույթին, գյուղը ունեցել է երկու գերեզմանատուն: Դրանցից մեկը Մելիք-Փաշայաններինն է, հին գյուղի աջ կողմի բլրի վրա, որի մոտ այժմ ծավալված է Մովսեսի, իսկ մյուս գերեզմանատունը սկսվում է անմիջապես գյուղի (Քոշիզի) սահմանագլխից և տարածվում մոտակա բլրալանջի վրա: Մովսեսի և խերխան գյուղերը Քոշիզից ավելի բարձր են:

Այժմ Մելիք-Փաշայանների դամբարանատունը բոլորովին ավերակ է: Միայն մատուռի արևելյան պատի մեջ մնում են երկու արձանագրված խաչքարեր, որոնց ընդօրինակումը ժամանակին կատարել է Մ. Բարխուդարյանը⁷: Քոշիզի մյուս գերեզմանատան քարերը կիսով չափ թաղված են հողի մեջ:

Ամարասի հովտի միջնադարյան գյուղերից է հին Հերեհերը, որի ավերակները գտնվում են Սոս գյուղից դեպի արևելք, Լուսավորչի սարի փեշին:

Ամարասից դեպի ձախ, Լուսավորչի բարձր սարի գլխին կա մի հին կիսավեր մատուռ, դրանից վերև, դեպի հյուսիս՝ Նղիշեի կանգուն վանքն է (Ղափանքը), վերակառուցված XVI դ. վարպետ Գաբրիելի ձեռքով⁸, ավելի բարձր Գիշ բերդն է իր ավերված պարսպի հետքերով:

Ամարասի հովտի աջ թևի լեռնապարի ամենաբարձր մասում գտնվում են երկու վանքեր. առաջինը Մավասի (Մամասի) ամրոց-վանքն է: Մավա-

6 «Պատմութիւն Առաքել վարդապետի Դարժեցւոյ», Վաղարշապատ, 1896, էջ 16:

7 Մ. Բարխուդարյանց, նշվ. աշխ., էջ 106—107:

8 Նույն տեղում, էջ 117:

սից շուրջ 3 կմ հեռավորությամբ, նույն լեռնաճյուղի հյուսիս-արևելյան բարձրավանդակի վրա, Մամնա դուղից վեր, Շոշկա վանքն է, որի ներսում կան բազմաթիվ քանդակազարդ, արձանագրված խաչքարեր: Ամարասի ընդարձակ հովիտը եզերող լեռնաճյուղերը հյուսիսային ծայրակետում օղակվում են բուրժավան անտառային շրջանով (Սորփա խութ), որի մոտ է Ղաթախան դուղը: Այդ սարի գլխին կա հին, բայց ավերված մի մատուռ:

Ամարասում բրոնզեդարյան դերեզմանաթմբերի հարևանությամբ կան նաև քարարկղային և կարասային թաղումներ: Վերջիններս մեծ մասամբ հանդիպում են Սոս—Մանկալաշեն ճանապարհի հատվածում: Տարբեր դարաշրջանի այդ հնություններից մի քանիսը հողային աշխատանքների ժամանակ բացվել են Մանկալաշեն, Սոս, Քերթ, Հերհեր, Ծովառեղ գյուղերի մոտ: Ուշագրավ են Ծովառեղ գյուղի Փիլին-փոս տեղամասում գտնված բրոնզե ճարտարարվեստ իրերը: Դրանցից բրոնզե թասը, մատանիները, ականջօղերը, ապարանջանը և սև փայլով գավերը այսօր արդեն թանգարանային լավագույն ցուցանմուշներ են:

ПАМЯТНИКИ АМАРАССКОЙ ДОЛИНЫ

Г. М. БЕГЛАРЯН

Резюме

Амарас — древнейший населенный пункт на территории Арцаха, политический и духовный центр, сыгравший важную роль в истории северо-восточных областей древней и средневековой Армении.

Источниковедческие сведения, многочисленные памятники материальной культуры, а также разнообразные материалы, обнаруженные на обширной территории Амарасской долины во время полевых работ (в большей части они хранятся в Степанакертском краеведческом музее), говорят в пользу вышесказанного.

Эти материалы не могут не заинтересовать исследователей археологов и историков.